

欽定剿平粵匪方略

欽定剿平粵匪方略卷一百五十二 丙辰年

四月十四日 庚子 德興阿鄧紹良翁同書

准庚長咨稱伊興額已馳赴懷遠其直隸官兵
一千八百名因徐州鎮道請兵儘數赴徐等語
臣等伏查此次奉

旨調赴揚營之馬步官兵雖有四千八百名現惟德昌
馬隊五百名抵揚而賊逆踞守三汊河垂涎東

路頃向榮又以蘇浙門戶須防飛檄調回乾鎮
河兵七百五十名計江南帶來援師祇留凱勇
五百名何以支持臣等不得已派令鞠殿華帶
兵一千一百名由樸樹灣徙駐東岸助防然西
路又形空虛勦辦實難周轉惟有籲乞

天恩仍飭庚長邵燦迅將伊興額馬隊五百名及直隸
兵一千八百名一併催令兼程來揚俾得撥援

浦口暨分布東西兩岸庶遠近勦防均可應手
奏入

上命軍機大臣傳諭德興阿鄧紹良翁同書邵燦庚長
曰前因伊興額馬隊已有旨留於徐州助勦當經諭
令邵燦庚長將派赴懷遠之吉林黑龍江餘丁酌分
五百名前往揚州其直隸防兵除已赴徐州五百名
外其餘一千三百名亦令邵燦等酌度或分一半或

分一千馳赴德興阿軍營本日據德興阿等奏稱官兵不敷派撥仍請飭催伊興額馬隊及直隸防兵自係未經接奉前旨約計此時山東官兵一千名當可先後過浦吉林黑龍江餘丁及直隸防兵亦當陸續到齊著邵燦等速將已到之兵遵旨分撥未到之兵趕緊催提德興阿等於此項官兵到場後卽妥爲布置毋稍疏忽至軍營馬隊步隊本宜相輔而行無論

旗營綠營但能調度得宜皆可得力德興阿身爲統帥非前此專帶馬隊可比鄧紹良久厯戎行於步隊情形尤爲熟悉自應妥籌調遣於應用馬隊之處固宜加意激勵卽應用步隊之處亦當認真駕馭使之互相奮勉方收實效翁同書旣係幫辦軍務卽應與德興阿同在一處方可就近商酌軍情翁同書著卽馳往德興阿軍營商辦一切不必遠駐邵伯揚營積

習已深必須大加整頓該大臣等務當同心協力以振軍威毋蹈從前故轍

十六日

壬寅

英桂奏言接准官文咨稱前奉

諭旨勇目詹啟綸施紹恆等所帶各勇著官文飭令詹

啟綸等統帶前往河南交英桂軍營聽候調遣等因查此項義勇投誠以來在北路軍營頗爲勇敢上年調赴楚北後傳聞未能得力本年二月間

臣面詢西凌阿據稱此項義勇在楚已陸續遣散現存不過五六百名日久懈生不如從前奮勇等語戶思該勇等仰沐

天恩再造未必遽有他虞惟狼子野心究難馴伏設與現在兵勇不能協力同心轉生周折若另成一隊則爲數無多難資攻剿况信陽一帶連年兵差絡繹不絕居民困苦異常儻令此起義勇前

來又恐易滋擾累相應請

旨飭下湖廣督臣官文將詹啟綸等所帶義勇仍留楚
省軍營調遣或酌量遣散之處恭候

聖裁奏入

上命軍機大臣傳諭官文胡林翼曰前諭官文等將詹
啟綸等所帶各勇酌量飭赴河南交英桂軍營聽候
差遣本日據英桂奏稱詢知西凌阿此項義勇現存

不過五六百名日久懈生不如從前奮勇設與兵勇
不和則轉多周折若另成一隊則爲數無多等語所
奏自係實情此項義勇著仍留於該大臣軍營調遣
毋庸令其前往河南並著該大臣等妥爲駕馭隨時
彈壓至武昌疊經大兵圍攻久未能下漢陽閒亦報
有勝仗尤屬敷衍塞責該大臣等總統全師身膺疆
寄若頓兵堅城老師糜餉日復一日伊於胡底著官

文胡林翼激勵將士督飭水陸各軍將武漢兩城剋期收復毋得再有遷延致干咎戾

同日胡林翼奏言查武漢未復江西待援統籌大勢萬不可置全局於不顧惟羅澤南傷亡之後李續賓新領其軍勢難分援江西適曾國藩之父曾麟書聞羅澤南傷亡卽遣其次子同知銜曾國華兼程前來幫辦營務查湘營均係曾

國藩同里之人寶營係其舊部驍勇敢戰從征
最久交會國華統帶士卒必樂爲之用臣卽以
湘中營五百名歸其專管而兼統劉騰鴻之湘
勇後營一千名劉連捷之湘勇副後營五百名
同知吳坤修之彪營七百名參將普承堯之寶
勇中營七百名把總普承忠之寶勇左營七百
名計共四千一百名於四月初四日拔營由咸

甯通城取道江西義甯州兼程前進臣又先期
派遊擊張榮貴馳赴湖南省城另募精銳二千
名隨後續進湖南派援江西之兵已將馳抵袁
州分路堵剿均屬得力臣所派援軍約期本月
杪可以齊抵江西省城臣一面分兵援應江西
仍一面籌商恢復武昌之策並分兵扼要斷賊
資糧總期迅復堅城以紓

聖念奏入報

聞

十七日

癸卯

向榮奏言接皖南道鄧瀛稟稱太平

之賊竄至三溪潮勇失利賊偏甯國府城萬分

危急當派遊擊蕭知音管帶湖南兵勇五百名

馳往援勦三月二十八日我兵正在甯國城外

紮營該逆由西南撲至其數不下萬餘各兵勇

出隊迎勦另有大股繞撲北門我兵衆寡不支
傷亡數百府城旋即失守鄧瀛等督帶潰兵退
至東門外洪林橋扼守各等語查甯國距營四
百餘里所有派援之副將蔡應龍一軍係於二
十六日拔隊馳往二十八日已過高瀆其副將
秦如虎一軍由浙撫臣何桂清飭令改道廣德
援甯前隊都司劉季三壯勇亦已趕至洪林橋

一帶乃賊鋒剽疾該地方文武竟不能爲一日
之守致陷府城甯國東連廣德建平係入湖州
東壩要道蘇浙咽喉內竄處處可虞又西達灣
沚黃池已抄出蕪湖之後全局震動臣軍分調
四出實已無可再分適聞江北儀徵收復六合
防勦已鬆飛令總兵明安泰將所帶兵勇一千
名卽日拔隊調回飭赴黃池扼紮策應飭令蔡

應龍由水陽一帶進兵剋日會籌攻克府城續
據江長貴稟稱連日探報金柱關東西梁山之
賊糾黨愈多紛紛至四合山二十里鋪一帶屯
聚現在甯國被陷恐賊乘隙進躡黃池後路空
虛情形至爲可慮蕪營四面受敵兵勇僅有四
千餘人連營二十餘里處處皆單權其輕重緩
急不得已將弋磯陡門四營撤赴黃池屯扼等

情又據探報上游繁昌一帶賊股數千竄至雙
港師船較單吳全美抽調裕溪各船上駛行近
弋磯適見石壘賊股竄至江邊我師卽奮力勦
洗斃賊極多該逆紛紛敗竄追斬長髮首級二
十餘顆探聞該逆嘯聚甯國北門城外已將各
門堵塞扼險以拒我兵臣現飛飭遊擊李定太
管帶楚兵五百名及守備陶茂森仁勇五百名

由黃池趕往審灣併歸蔡應龍調遣責令迅速
進攻力扼東南一帶以遏內犯蘇浙之途並令
明安泰嚴紮黃池聯絡蕪營爲蔡應龍一軍策
應惟念此次賊陷甯國蘇杭皆震必當集全力
以爲戰守臣軍除調出之外其餘分屯石埠橋
等處堵剿大營存兵不及五千逐處尙須兼顧
萬難再行抽撥因查揚州儀徵克復江北軍聲

已振現聞德興阿復將清淮防兵馬步三千餘人奏調前往揚營兵力不爲不厚鄧紹良旣經奉

旨留彼幫辦軍務所有帶去之凱勇五百名自可留於江北爲鄧紹良爪牙之用其餘湖南乾鎮河兵七百五十名應仍調歸金陵以資分援臣已咨商德興阿檄令參將陳明志迅將楚兵調回卽

飭徑赴窰灣助勦並飛咨何桂清移緩就急調
集浙防各兵併交秦如虎統帶會勦務期併力
攻取克復甯國府城保固蘇浙一帶以顧大局
向榮又奏言接據探報初七日甯國之賊大股
出撲窰灣我軍以少敵衆鏖戰數時殺賊極多
奈全軍僅一千有餘孤軍深入被賊圍裹數重
以致失利副將蔡應龍等不知下落聞之五中

焦灼查審灣一失則廣建一帶可危臣軍於無
可調撥之中復抽派兵勇一千二百名交副將
王浚統帶並令副都統德崇額抽帶馬隊二百
名拔隊馳往高渚會同總兵明安泰黃池之兵
聯絡聲勢先扼內竄要衝一面探明蔡應龍等
下落再行相機進剿至蕪湖賊勢上下蔓延江
長貴一軍分調已單而四面受敵萬難支柱連

接該總兵來稟已於初九日全軍退守黃池臣
當卽飭令固守要衝與明安泰聯絡聲援相機
剿辦現在上游賊燄鷗張廣建一帶處處可偏
蘇浙我軍雖集高渚僅能截賊入蘇之路而入
浙各路僅有秦如虎一軍扼勦力難周密查提
督鄧紹良上年在徽甯防剿熟悉地利情形前
赴江北援勦業經奉

旨留揚幫辦軍務現在揚州儀徵俱經克復軍聲已振
而甯國爲賊陷踞大股踵至蘇浙財賦重地不
可不力圖保固相應請

旨准令鄧紹良暫赴浙江調度防勦以顧大局奏入

上命軍機大臣傳諭向榮福濟吉爾杭阿德興阿鄧紹
良翁同書曰逆賊由太平竄至甯國遽爾失守該處
文武毫無準備實堪痛恨現在甯濟一軍又已失利

江長貴全軍退守黃池全局爲之掣動向榮現派之
明安泰等旣已同抵高瀆卽著迅速籌議將甯國府
城趕緊克復金陵軍營兵本無多而東西梁山賊黨
愈衆繁昌等處復有賊船下竄向榮一軍兵分愈單
務當嚴密防堵勿致稍有挫失現在布置尙屬妥協
惟鄧紹良旣派爲江北軍營幫辦未便遠離若此時
尙未渡江著毋庸赴浙卽由向榮另派大員赴浙督

勦僞業已前進則揚營步隊各兵卽著德興阿翁同
書酌派得力武弁暫行帶領俟鄧紹良回揚再行交
卸當此南北軍情同形喫緊向榮德興阿等務當彼
此妥商通籌緩急以期上顧清淮下保蘇浙蔡應龍
等下落仍著向榮速查具奏

上又命軍機大臣傳諭何桂清曰本日據向榮奏甯國
失守蘇浙情形喫緊請飭令鄧紹良暫行赴浙援勦

等語甯國爲蕪湖後路處處可通蘇杭該郡一經失陷則蕪湖之軍旣四路受敵而蘇杭等郡亦全局震動前經該撫派令副將秦如虎帶兵駐紮廣德遏其內竄晏端書萬青藜各帶兵勇駐守省城兼爲湖州策應如果浙省足資守禦則鄧紹良新授江北軍營幫辦未便遠離儻已到浙著何桂清另派大員受代卽令鄧紹良折回揚州不致顧此失彼現在蔡應龍

遇賊潰敗秦如虎若能勝任卽飭由廣德州進援甯國以保浙境仍著飛咨向榮妥商辦理

十八日甲辰官文奏言臣於三月二十日後接據

各處稟報九江賊匪竄至黃州糾合團風等處股匪並武昌城中竄出多賊至馬鞍山白塔河一帶徑撲新洲等處地方鄉團與戰不利二十五日賊遂進踞三店新洲等處恣意焚掠並在

三店新洲柳子港一帶修築木城土壘圖抗我師臣卽飛催京口副都統都興阿等督帶馬隊先往截剿四月初二日護軍參領舒保營總多隆阿等督隊行至新洲以上李家集地方見賊匪正在四鄉擄掠當將馬隊衝出截剿羣賊四散奔逃我兵追殺三十餘里殲賊百餘名探知賊尚在柳子港三店等處修築木城土壘初三

日將馬隊分作三路會合鄉團直抵柳子港西
岸賊衆約三千人在東岸列陣抗拒隔河對放
槍礮鏖戰兩時之久多隆阿奮勇當先渡河衝
擊身受矛傷三處仍裹創力戰羣騎盡渡東岸
該逆敗潰退入木城黃陂縣鄉勇陳潮俯等奮
不顧身撲近木城連擲火彈延燒賊營火藥賊
始驚潰紛紛從東路奔逃欲赴三店賊營適軍

功吳之傑等帶勇伏於河邊樹林內賊果繞林
覓渡衆勇突出殲斃無算生擒八十餘名餘匪
竄匿麥田復被黃安麻城各團勇搜殺無遺遂
合馬隊進勦三店惟時署麻城縣知縣劉榮親
督紳團攻破岐亭賊壘至三店會合馬隊盡力
搜殺立將柳子港三店木城土壘概行燬除大
獲全勝是夜各軍俱駐三店新洲賊匪棄巢逃

遁我兵乘夜往追擊斃護糧賊三百餘名燒燬
賊匪糧船數十隻舒保等復帶隊追至團風地
方該處爲賊巢積糧之所我兵徑撲糧囤燒燃
房屋賊往救護兵勇乘勢擊殺賊乃潰逃我兵
分起沿河追剿赴水溺斃者極夥遂將團風新
洲賊壘次第削平初四日又有賊船五十餘隻
由大江上竄李光榮順流下擊遇賊略戰卽回

舟誘敵賊船追至陽邏把總陳占鰲帶礮船在
彼豫伏俟逆船過盡方將礮船衝出火彈火箭
齊施燒燬賊船五隻溺斃賊匪數十人餘船奔
至沙口軍功葉占超指揮礮船划船一併衝出
火礮亂擊將賊船截斷不能相顧又燒賊船十
餘隻奪獲三隻斃賊無數此次剿賊馬隊最爲
出力營總多隆阿率衆當先身受重傷猶督兵

力戰卒挫兇鋒實屬奮勉謹擇尤爲出力者開
單呈

覽伏候

恩施

官文又奏言再武昌漢陽逆匪堅壁固守圖老
我師臣前與胡林翼商議以李續賓帶勇四千
駐紮沙窩青山一帶堵剿調水師往截沙口催

陸兵臨城攻擊詎楊載福礮船尙未下移而羅澤南忽然傷殞致李續賓之營仍撤回洪山西北兩岸復形空虛武漢兩城之賊又得肆行上下此次九江上竄股匪幸經兵勇痛勦大受懲創逃回無幾兩城逆匪當已膽落然連日李孟羣等乘勢督隊進攻逆賊仍是一味堅守臣竊計欲克武漢自非肅清江面不能有濟雖現在

水師已撥礮船五十餘隻赴沙口然終須責成
楊載福在青山布置水營方能阻其上竄之路
臣乘黃州團練得勝之時妥派大員前往經營
聯絡聲勢此擊彼救再以礮船木簑阻遏江面
令下至黃州上至漢口賊之舟楫不通則該逆
縱能堅守而餉絕援孤亦不難於殄滅奏入

上命軍機大臣傳諭官文胡林翼曰武漢賊勢疊據官

文胡林翼奏報漸就窮蹙方冀克復有期乃此次所
陳勦辦情形以羅澤南傷殞李續賓撤回西北兩岸
空虛未能杜絕賊援須令楊載福前往青山布置以
礮船木簋阻遏江面使該逆餉絕援孤不難殄滅是
克復武漢尙無把握老師糜餉伊於胡底況江面雖
有船簋阻隔而陸路處處可通豈能斷其接濟至欲
派大員前往黃州聯絡團練以壯聲威亦宜早爲籌

及何得事事延緩官文總統全師已逾半載胡林翼
圍攻武昌屢稱卽可克復乃遷延日久迄無成效殊
失朕望著該大臣等嚴飭各軍振刷精神鼓其銳氣
剋期拔取二城毋得以逆匪堅匿不出爲詞遲延干
咎

上諭內閣曰此次賊由九江黃州上竄經兵練奮力截
勦殲擒殆盡勦辦尙爲得手所有黃州團練准與在

事文武查明請獎其尤爲出力之黑龍江額外協領
委營總多隆阿著賞加副都統銜上虞備用處三等
侍衛忠齡著以應升之缺升用黑龍江佐領委參領
密雅明阿著以協領升用驍騎校委參領巴圖隆阿
著以佐領升用吉林防禦委參領喀爾庫領催委參
領金順領催委防禦富呢雅干黑龍江委防禦溫德
勒克西領催委防禦富森保前鋒委參領諾明阿披

甲西蒙克什克披甲委驍騎校常與阿前鋒委驍騎
校雙福均著賞換花翎吉林委防禦尙福永全委驍
騎校保林德克吉布常有委官保福富興阿吉勒忠
阿披甲常林富凌德常壽依常阿托克托布福祿和
隆阿德貴奎成凌善保喜順六十瑪爾洪阿常明喜
春富春張文奎常順依興阿黑龍江披甲烏紐額富
壽博里善紀林佈善農依布薩炳阿吉善成太諾敏

德岳興阿四孝爾依陞阿特克興額委驍騎校音德
善前鋒烏勒興額披甲阿達布博凌阿順太壽青托
克托布克什圖喀爾圖巴依精阿富色布巴彥布額
林布雅豐阿薩呢布鄉勇趙暨發李德謙陳賦羅金
魁均著賞戴藍翎守備銜軍功劉正發著以守備儘
先選用軍功周家治程太旺均著賞給五品頂戴

官文又奏言 臣前奉

諭旨飭臣令詹啟綸等將所有義勇統帶前往河南交

英桂差遣臣詳查詹啟綸現帶之勇選其精壯
堪用者並軍功頭目共四百八十八名發清積
欠餉銀另籌給一月口糧交詹啟綸管帶派遊
擊徐庭楷等押送前去於四月初十日起程飭
令沿途妥爲約束毋許騷擾地方一面開造義
勇花名清冊咨送至信陽州交南汝光道查收

委員接解至英桂大營交收聽調其勇日施紹
恆因有京控發審之案未結自應留楚備質未
曾派令前往奏入

上命軍機大臣傳諭德興阿鄧紹良翁同書英桂曰昨
據英桂奏詹啟綸等所帶義勇不過五六百名不如
從前奮勇等語當諭令官文將此項義勇仍留該營
毋庸前往河南本日據官文奏稱詹啟綸現帶之勇

四百八十八名已派遊擊徐庭楷等押送於本月初十日起程至河南信陽州交英桂大營矣此項投誠義勇著英桂飭知史榮椿於前在僧格林沁軍營現發往河南各員內熟習帶勇之人揀派一二員管帶前往揚州軍營交德興阿等酌量調遣妥爲駕馭

同日向榮怡良吉爾杭阿奏言鎮江逆匪本已援盡糧絕乃自竄擾揚州搶掠米糧槍礮回鎮

郡後遂憑城抗拒鼠伏不出近日拏獲賊目蔣
幹臣供稱該逆時思內犯蘇杭一俟糧食擄足
卽出鎮江北門由九里街沿江一帶直竄丹陽
等語該處在京峴山東僻處江濱恐有疏虞三
月二十四日臣吉爾杭阿親往京峴山會同余
萬清察看地勢商定添紮營盤以備衝突忽報
該逆大股由西門而出臣吉爾杭阿一面傳令

出隊一面馳赴黃山余萬清亦帶隊馳赴摩旗
山堵剿兵勇踴躍爭先直奔賊隊逆勢不支披
靡而遁我兵乘勢分投追剿將近城濠及寶蓋
山賊巢始行收隊臣等查鎮逆所恃爲犄角者
銀山寶蓋山賊巢也而銀山寶蓋山與煙礮等
處相連因卽會督帶兵各官商定於煙礮山巔
趕築營盤一座免被賊占而該山緊對寶蓋山

賊壘相距不及半里非勁兵不能駐守有儘先
守備陳錫麒外委趙昌第自願紮營山上充當
頭敵知府劉存厚卽撥給強勇五百名於四月
初二日夜密派隊伍埋伏於煙礮山左右竭日
夜之力趕築營壘一律堅固陳錫麒等卽帶勇
進營紮定又在西南山麓添紮一營飭令守備
周天培管帶兵勇二百七十名移紮其閒與山

南原有營盤三座聯爲一氣現擬將大礮運上
煙礮山向寶蓋山壘開放炸彈焚其輜重再行
設法進攻至甯國府城於三月二十八日失守
該府四通八達距浙江長興江蘇高淳溧陽荆
溪等縣及東壩均不過一百餘里隨處皆可竄
入其浦口敗殘餘孽又渡江而南意欲直撲秣
陵關接應甯國之賊南岸賊勢復熾臣向榮將

前次派赴六合之總兵明安泰一軍調回飭赴
高淳一帶又飭副將蔡應龍赴水陽一帶並由
何桂清飛飭副將秦如虎等從廣德一帶三路
進攻甯國而明安泰一軍尙嫌單薄復由臣吉
爾杭阿調派都司李譜守備黎敬復等帶勇千
名星夜馳往惟東壩爲內犯總徑現在咨商德
興阿將遊擊黃朝恩等所帶兵勇一併撤回並

飭遊擊黃朝恩等管帶廣東兵八百名剋日馳
赴東瀾聽候明安泰調遣至廣東續雇之紅單
船二十七隻派委遊擊李明新都司黃彬分幫
管帶先後駛抵焦山臣吉爾杭阿飭李明新黃
彬撥船六隻派委已革遊擊張瀚管帶駛赴三
江口會同京口水師暫行寄泊防勦俟江北東
路營盤紮定再飭上駛歸幫餘船二十一隻於

初五日乘風駛過金山奏入報

十九日乙巳德興阿奏言查總兵武慶駐紮浦口

疊據參將王巨孝知縣溫紹原等稟稱年力就

衰難資振作臣前與鄧紹良翁同書會商均以

浦口爲通北要津現在逆衆水陸窺伺欲與儀

六通連而九洑洲仍有賊營患在肘腋若果武

慶不知振作議定鄧紹良帶勇馳往屯紮兼與
江浦六合及金陵各營互相聯絡乃奏草甫定
忽接向榮來文廣建一帶逼近賊氛咨請鄧紹
良暫赴浙江督勦臣正擬將浦口關繫北路鄧
紹良不可暫去情形奏明定奪詎據鄧紹良咨
稱已率勇起程由水路赴浙等語伏思鄧紹良
係奉

旨幫辦軍務原爲江北要地得人乃僅以向榮一紙文
書去之惟恐不速殊不可解浙江固南省完區
此時賊蹤未至所需祇在於防浦口則北門重
鎮該處賊燄方張所急尤在於勦鄧紹良以江
北

特簡幫辦大員親往援應亦當與同事商度請

旨後行臣營近在咫尺何以竟不面商先行後咨理合

奏請

聖裁至武慶厯被控訐事件改派總兵安勇帶領馬步
隊六百餘名卽日馳往密查暫行駐紮浦口嚴
扼防勦奏入

上命軍機大臣傳諭向榮福濟吉爾杭阿德興阿翁同
書曰前據向榮奏甯國失守蘇浙喫緊請調回鄧紹
良赴浙援勦當因該提督旣派爲江北軍營幫辦若

尙未渡江卽毋庸赴浙本日據德興阿奏鄧紹良於
十二日帶勇由水路赴浙竟不面商先行後吞等語
該提督因向榮咨調暫赴浙江督勦刻卽馳往自係
因該處情形緊急起見若再令折回江北轉滋周折
已明降諭旨將鄧紹良仍歸向榮調遣毋庸幫辦德
興阿軍務矣現在甯國被陷蘇杭一帶處處可通防
勦最關緊要向榮卽嚴飭該提督實力督辦毋令逆

匪日肆蔓延揚州軍營步隊官兵必須得力之員管帶與馬隊相輔而行卽著德興阿於各營鎮將內詳細查看擇其能帶步隊者據實保奏候旨遵行至武慶被控之款德興阿已派總兵安勇馳往密查如該員實有貽誤劣蹟卽著據實查辦儘僅係年老精力不支亦著奏明請旨其浦口地方爲北路門戶德興阿等務須妥爲布置毋稍疏虞

上諭內閣曰陝西提督鄧紹良著仍歸向榮調遣毋庸
在德興阿軍營幫辦軍務

同日怡良奏言據江長貴稟稱探聞甯國府城
於三月二十八日失陷查甯國爲蘇浙門戶且
係蕪湖軍營後路該逆窺伺三年未能得志今
被占踞四通八達處處可虞現在蔡應龍秦如
虎均已帶兵趕到擇地安營扼其內竄向榮復

添派兵勇令遊擊李定太統帶由溧水高淳前進聽候蔡應龍調遣進剿吉爾杭阿亦由鎮營派員帶勇隨同向榮所派之總兵明安泰馳赴黃池扼要嚴防兼顧高淳杜賊合併之路其廣德建平東壩一帶臣已嚴飭該管營縣及在防將弁督率兵勇激勵民團實力堵截至甯郡失守情形未據該道府稟報但江長貴接到鄧瀛

等來函已在郡城失守之後實屬守禦不力相應請

旨將徽甯道鄧瀛署甯國府知府顏培文一併革職暫行留任責令帶罪自效收集兵勇會合進攻迅圖克復此外在城文武各官下落容俟確查另行彙辦奏入

上諭內閣曰大股逆匪攻撲甯國郡城被陷現經向榮

等疊次派兵馳往進剿著怡良嚴飭在防將弁實力
堵截趕緊克復城池毋稍遲延所有守禦不力之微
甯池太廣道鄧瀛署甯國府知府顏培文均著革職
暫行留任仍責令帶罪收集兵勇會合進攻以觀後
效其在城文武下落並著確查具奏

二十七日

癸丑

廉兆綸奏言查逆賊竄擾江西連

破瑞臨袁吉撫建諸郡九江大營一撤南康府

城又陷駸駸乎有撲竄廣饒之意現在石逆下
竄省路雖通而江省地方被陷十分已去其七
八所存者南惟南贛甯都東則饒州廣信而已
南路所屬久已不通聲息與現遭陷踞之八郡
地方錢漕捐款已不可問刻下甯國不守逼近
杭湖此閒與浙西郡縣在在毗連如此孤危何
恃不恐伏思廣饒者浙徽之門戶撫建者閩省

之藩籬南贛者粵東之衝要

皇上脩念江省爲東南要地關繫匪輕現已

諭令閩廣楚浙督撫各出精兵來江會剿然而浙西戒
嚴卽不能分援江省緣各省旣分疆域遂不得
不自顧考成實則江西之與浙江如輔車之相
依水陸交通皆繫東南大局勢必須兩省合辦
方可聯指臂之使而酌緩急之宜若於江省衝

要之地

簡派親信大員付以所調各省援兵

飭令督辦江西浙江兩省軍務得尺守尺得寸守寸漸
推漸廣錢漕捐釐等款皆可贍軍呼應旣靈轉
關必捷可否仰懇

天恩就近於閩浙兩廣總督內

簡派一員馳赴江西抑或另調大員來江督辦兩省軍

務先克建昌以爲駐紮之所建昌旣復卽可以
南連贛郡東接廣饒江省未陷數郡皆得聯絡
聲勢而浙西一帶亦在在可以相通俟兵力旣
齊必能以次克復諸郡似於江浙兩省皆有裨
益奏入

上命軍機大臣傳諭葉名琛崑壽廉兆綸曰前因江西
賊勢猖獗諭令葉名琛撥兵五六千名往援續復諭

令將所撥官兵交提督崑壽統帶由贛州一路進剿
本日據廉兆綸奏九江兵勇撤赴撫州等處後南康
郡城隨復失陷現在石逆雖已下竄而八郡悉爲賊
踞逆氛甚熾大勢難支請於閩廣兩督臣中簡派一
人或另簡大員馳赴江西統領各路援兵勦辦江西
毗連六省形勢極關緊要現在賊蹤延蔓非迅速勦
除則東南均難安枕惟閩廣督臣均膺海疆重寄未

便遠離職守自應將各路援兵催集勦辦著葉名琛
於接奉諭旨後卽將所調精兵五六千名挑派齊全
遵照前旨交崑壽統帶剋日起程由贛州一路進勦
毋稍延緩崑壽起程日期並著先行馳奏至廣饒兩
郡未遭蹂躪守禦尤爲緊要仍著廉兆綸督同地方
官將勸捐辦團等事實心經理以資保障

廉兆綸又奏言撫州府屬之金谿縣與貴溪接

壤自撫郡不守後該縣卽被逆匪竄踞與郡城互爲聲援臣飭調防堵貴溪之上饒廩生郭守謙等移營魚塘地方就近確探金谿逆匪情形相機進剿該廩生等於初九日齊抵金谿從北門攻入生員曾守誠奮勇首先入城中左二隊繼進該逆首冷姓不虞官兵猝至急與夥賊分奪西門南門而逃我兵分投追趕殺斃賊匪二

十餘名立將金谿縣城克復臣查該廉生等當
安仁逆匪屬集時僅帶三百餘名馳往貴溪防
堵是時逆匪撲擾貴溪距縣城祇十餘里而該
縣得以保全者實該廉生等堅守不退之力茲
一經調遣復能克復金谿以斷撫賊右臂卽省
兵亦可以專力攻勦撫州無虞東顧似未便沒
其微勞可否籲懇

三
天恩許臣於防堵貴溪克復金谿二案中擇尤酌保三
四員出自

聖主格外鴻慈奏入

上諭內閣曰江西金谿縣城被匪竄陷經該學政飭令
帶勇之上饒縣廩生郭守謙等相機進剿於本月初
九日由北門攻入逆眾驚潰奪門奔逃各勇分路追
殺立將縣城克復該紳士等前次防堵貴溪頗稱得

力現復督勇克復金谿縣城著有微勞所有該二案中出力紳士著廉兆綸擇尤酌保三四員候朕施恩同日何桂清奏言甯國府城失陷蕪湖四面受敵全軍已退守黃池逆勢狡猾至此蘇浙軍情日緊一日高淳東壩等處已由向榮吉爾杭阿調集勁旅分起堵剿而廣德建平一帶入浙之路僅有兵勇一千五百餘名由副將秦如虎統

帶在甯郡東門外紅林橋駐紮兵力殊形單薄
查有蕪湖軍營遊擊蕭知音兵勇五百都司貴
廷芳勇五百千總會得勝勇三百調防南陵之
同知曾承禧勇五百均屬久經戰陣臣卽檄行
秦如虎先行合成一軍一面飛調總兵都隆阿
浙兵六百餘名侍衛胡鳳鳴都司夏寶慶健勇
七百餘名同知李恆淞滬勇五百餘名並另募

申勇四百名威勇三百名陸續飭赴紅林橋歸
秦如虎統帶相機進剿其甯國縣去郡城八十
里可由此直達杭屬之於潛昌化且兼通廣德
四安以至湖州並可繞出紅林橋之後必須分
兵駐守以杜紛竄又將守備張應超執勇五百
名從九品劉福林銳勇三百名遊擊徐天麟浙
兵四百名州判徐慮善浙勇三百餘名調赴該

縣扼要嚴防又飭調馬鎮國等勇五百名馳赴甯防交秦如虎調遣其徽防周天受一軍共有川省兵勇一千六百餘名現經張芾飭令駐紮涇縣三溪地方杜入徽入浙之路奏入報

三十日

丙辰

德興阿翁同書奏言本月二十二日

臣德興阿率領馬步隊由刁家廟進攻三汊河

賊巢該匪堅匿不出二十三日馬步各隊分爲三路前進約定繞出城背以期一鼓殲除該逆見我軍排牆而至勢已不支遂各驚潰我兵因連日獲勝膽氣益壯再接再厲賊益披靡官軍乘勢掩殺殲賊三百餘名溺斃無算餘匪渡過浮橋向西岸瓜州竄逸卽將浮橋撤去我兵泅水渡河立將高明寺旁賊營踏平其前後蘆棚

亦俱焚燒殆盡臣等以揚儀兩城雖經次第收復而三汊河尙爲賊踞其地枕岡背水攻拔較難今數日之間士卒用命竟能連摧兇鋒將負固巢穴一律削平現擬將各處派撥官兵陸續調回厚集兵力亟圖進擣瓜州以固江北全局在事出力員弁擬請擇尤酌保奏入

上命軍機大臣傳諭德興阿翁同書曰揚儀兩城克復

後逆黨尙在三汊河死蹏本爲牽掣官軍進攻瓜州之路現已踏平賊營奪其所恃賊膽已寒卽可乘此士卒用命之時進拔瓜州賊壘惟逆蹤詭秘或堅匿不出故老我師或抵隙乘瑕恣其奔突務須謀勇兼施力圖攻克方足以固江北大局該大臣督師以來尙能速摧兇鋒瓜州雖蕞爾一隅水陸皆能竄突進攻之法必須會約舟師同時並舉使該逆應接不暇

庶勦辦易於得手

上諭內閣曰三汊河一帶現已肅清著德興
勦辦得手迅卽督率各軍擣破瓜州賊巢
所有在事出力員弁並著德興阿等擇尤保奏
鼓勵